

Lajčák: stranke potpisnice sporazuma iz Pruda moraju poduzeti konkretne korake



Visoki predstavnik i specijalni predstavnik EU Miroslav Lajčák susreo se danas sa predsjednikom Hrvatske demokratske zajednice BiH Draganom Čovićem i predsjednikom Stranke demokratske akcije Sulejmanom Tihićem, kako bi razgovarali o daljnjim koracima koji trebaju biti poduzeti u vezi sa implementacijom onoga što je dogovoreno u Prudu 8. novembra 2008. godine. Sporazum iz Pruda, naknadni sastanci te pojašnjenja koja su dale stranke potpisnice mogu pomoći da se što prije riješi pitanje raspodjele imovine, kao i druga pitanja o kojima su se usaglasili.

«Dogovor iz Pruda je sporazum između političkih predstavnika tri konstitutivna naroda i to ga čini domaćim rješenjem. Dijalog i kompromis su jedini način rješavanja pitanja i napretka za Bosnu i Hercegovinu. Sporazum iz Pruda pomjera BiH ka integraciji u EU iz prošlogodišnje zatrovane atmosfere. Ovu šansu ne treba propustiti», zaključio je visoki predstavnik i specijalni predstavnik EU Miroslav Lajčák.